



Parlamentarna komisija odgovorna za reviziju
Parlamentarno povjerenstvo odgovorno za reviziju

Парламентарна комисија одговорна за ревизију

Broj: 04/1-02-689/26-1
Sarajevo, 27. 2. 2026. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE**

PREDSTAVNIČKI DOM
n/r gosp. Dragana Miokovića, predsjedavajućeg

DOM NARODA
n/r gosp. Tomislava Martinovića, predsjedavajućeg

**URED ZA REVIZIJU INSTITUCIJA U
FEDERACIJI BOSNE I HERCEGOVINE**

Prilazno:	04-03-2026				
Upr. jed.	04-4	Radni broj	958	Broj priloga	✓

01, 02, 04, 05, 06, 08, 09

**IZVJEŠTAJ PARLAMENTARNE KOMISIJE ODGOVORNE ZA REVIZIJU O
REVIZORSKIM IZVJEŠTAJIMA REVIDIRANIH SUBJEKATA I KORISNIKA
BUDŽETA FEDERACIJE BOSNE I HERCEGOVINE ZA**

2024. GODINU

Sarajevo, februar 2026. godine

Na osnovu tačke I. Odluke o izboru članova u Parlamentarnu komisiju odgovornu za reviziju u ime Predstavničkog doma i Doma naroda Parlamenta Federacije Bosne i Hercegovine, broj: 01,02-02-1418/24 od 12. 6. 2024. godine ("Službene novine Federacije BiH", broj: 47/24), Parlamentarna komisija odgovorna za reviziju razmatrala je izvještaje o reviziji finansijskih izvještaja korisnika budžeta Federacije Bosne i Hercegovine za 2024. godinu i izvještaje o finansijskoj reviziji revidiranih subjekata zavoda, fondova, agencija, javnih ustanova/preduzeća za 2024. godinu, te je nakon održanih javnih saslušanja pripremila zaključke i preporuke za parlamentarnu raspravu i podnosi sljedeći:

I Z V J E Š T A J

Ured za reviziju institucija u Federaciji Bosne i Hercegovine (u daljnjem tekstu: Ured za reviziju), u skladu sa članom 12. stav 1) Zakona o reviziji institucija u Federaciji Bosne i Hercegovine ("Službene novine Federacije BiH", broj 22/06), (u daljnjem tekstu: Zakon), dostavlja svoj plan revizije institucija u Federaciji Bosne i Hercegovine, kao informaciju Parlamentarnoj komisiji odgovornoj za reviziju (u daljnjem tekstu: Komisija).

U skladu sa navedenim, 24. 12. 2024. godine putem protokola dostavio je Ured za reviziju svoj plan revizija za 2024./2025. godinu.

Na osnovu odredbi člana 16. Zakona, a u skladu sa dostavljenim planom revizija za 2024./2025 godinu, Ured za reviziju je do 30. 9. 2025. godine Parlamentu Federacije BiH dostavio 69 (šezdesetdevet) revizorskih izvještaja o finansijskoj reviziji, zatim 54 (pedesetčetiri) izvještaja finansijske revizije praćenja postupanja po preporukama iz izvještaja o finansijskoj reviziji iz prethodno provedenih finansijskih revizija i 4 (četiri) izvještaja revizije učinka.

Od naprijed navedenog, Komisija je razmatrala sve izvještaje revidiranih subjekata iz nadležnosti Federacije Bosne i Hercegovine, što je obuhvatilo ukupno 19 (devetnaest) korisnika budžeta Federacije BiH, Izvještaj o finansijskoj reviziji Izvještaja o izvršenju budžeta Federacije BiH za 2024. godinu, 2 (dva) izvještaja zavoda, fondova, agencija i javnih ustanova, kao i 4 (četiri) izvještaja javnih preduzeća u kojima Federacija BiH ima vlasnički udjel od najmanje 50% plus jednu dionicu ili više.

U nastavku je tabelarni pregled dostavljenih revizorskih izvještaja korisnika budžeta Federacije BiH, sa revizorskim mišljenjima za 2024. godinu, kao i tabelarni pregled dostavljenih revizorskih izvještaja zavoda, fondova, agencija i javnih ustanova te preduzeća u kojima država ima vlasnički udjel od 50 % plus jednu dionicu ili više s revizorskim mišljenjima za 2024. godinu:

Red. br.	Revidirani subjekat/institucija za 2024. godinu	Mišljenje za finansijske izvještaje	Mišljenje za usklađenost sa propisima
1.	Federalno ministarstvo raseljenih osoba i izbjeglica	Pozitivno mišljenje	Pozitivno mišljenje
2.	Federalno ministarstvo rada i socijalne politike	Pozitivno mišljenje	Pozitivno mišljenje

3.	Federalno ministarstvo pravde	Pozitivno mišljenje	Mišljenje s rezervom
4.	Federalno ministarstvo energije, rudarstva i industrije	Pozitivno mišljenje	Mišljenje s rezervom
5.	Federalno ministarstvo zdravstva	Pozitivno mišljenje	Mišljenje s rezervom
6.	Federalno ministarstvo unutrašnjih poslova	Pozitivno mišljenje	Pozitivno mišljenje
7.	Federalno ministarstvo okoliša i turizma	Pozitivno mišljenje	Mišljenje s rezervom
8.	Federalno ministarstvo trgovine	Pozitivno mišljenje	Pozitivno mišljenje
9.	Federalno ministarstvo finansija	Pozitivno mišljenje	Mišljenje s rezervom
10.	Federalno ministarstvo prometa i komunikacija	Pozitivno mišljenje	Pozitivno mišljenje
11.	Federalno ministarstvo prostornog uređenja	Pozitivno mišljenje	Mišljenje s rezervom
12.	Federalno ministarstvo razvoja, preduzetništva i obrta	Pozitivno mišljenje	Pozitivno mišljenje
13.	Federalno ministarstvo poljoprivrede, vodoprivrede i šumarstva	Pozitivno mišljenje	Mišljenje s rezervom
14.	Vlada Federacije Bosne i Hercegovine (Generalni sekretarijat)	Pozitivno mišljenje	Pozitivno mišljenje
15.	Federalno ministarstvo obrazovanja i nauke	Pozitivno mišljenje	Mišljenje s rezervom
16.	Predsjednik i dva potpredsjednika	Pozitivno mišljenje	Mišljenje s rezervom
17.	Federalno ministarstvo kulture i sporta	Pozitivno mišljenje	Mišljenje s rezervom
18.	Federalno ministarstvo za pitanja boraca i invalida Odbrambeno-oslobodilačkog rata	Pozitivno mišljenje	Pozitivno mišljenje
19.	Parlament Federacije BiH	Pozitivno mišljenje	Pozitivno mišljenje

Red. br.	Revidirani subjekat/institucija za 2024. godinu	Mišljenje za finansijske izvještaje	Mišljenje za usklađenost sa propisima
1.	Zavod zdravstvenog osiguranja i reosiguranja Federacije BiH	Pozitivno mišljenje	Mišljenje s rezervom
2.	JP Elektroprivreda HZ HB d.d. Mostar	Pozitivno mišljenje	Mišljenje s rezervom
3.	JP Elektroprivreda BiH d.d. Sarajevo	Pozitivno mišljenje	Mišljenje s rezervom
4.	Federalni zavod za zapošljavanje	Pozitivno mišljenje	Mišljenje s rezervom
5.	JP Autoceste Federacije BiH d.o.o. Mostar	Mišljenje s rezervom	Negativno mišljenje
6.	Radiotelevizija Federacije Bosne i Hercegovine	Negativno mišljenje	Negativno mišljenje

Komisiji je dostavljen i Izvještaj o finansijskoj reviziji Izvještaja o izvršenju budžeta Federacije Bosne i Hercegovine za 2024. godinu:

Red. br.	Revidirani izvještaj i godina	Mišljenje za finansijski izvještaj	Mišljenje za usklađenost sa propisima
1.	Izvještaj o izvršenju budžeta Federacije BiH za 2024. godinu	Mišljenje s rezervom	Mišljenje s rezervom

Nakon razmatranja izvještaja dostavljenih od Ureda za reviziju, Komisija je utvrdila da će, slijedeći prethodnu praksu, odnosno u skladu sa zaključkom Komisije s održane 2. sjednice od 31. 7. 2024. godine, iz plana javnih saslušanja izostaviti one revidirane subjekte koji su ostvarili oba pozitivna revizorska mišljenja - mišljenje o finansijskim izvještajima i mišljenje o usklađenosti sa zakonskim i drugim propisima.

Članom 16. Poslovnika o radu Komisije predviđeno je formiranje grupa od članova Komisije u svrhu provođenja javnih saslušanja za pristigle revizorske izvještaje. U skladu s tim, Komisija je na 21. sjednici, održanoj 14. 10. 2025. godine, sačinila plan javnih saslušanja revidiranih institucija te odredila sastav grupa za javna saslušanja/izjašnjenja i izvjestioce za korisnike budžeta Federacije BiH, zavode, fondove, agencije, kao i javna preduzeća i institucije.

Komisija je planiranu proceduru javnih saslušanja implementirala u periodu od 20. 10. 2025. do 23. 10. 2025. godine. Tokom javnih saslušanja članovi Komisije su obavili razgovore i postavljali pitanja predstavnicima revidiranih institucija, kao i predstavnicima Ureda za reviziju.

Potrebno je posebno istaći da se javnim saslušanjima nisu odazvali svi predstavnici iz reda najvišeg rukovodstva revidiranih subjekata (ministri, direktori i druga odgovorna lica). Komisija ponovo naglašava da su rukovodioci institucija obavezni prisustvovati javnim saslušanjima pred Komisijom, kao primarni nosioci odgovornosti za zakonito, transparentno i odgovorno upravljanje javnim sredstvima.

Javnim saslušanjima obuhvaćeni su finansijski izvještaji za revizijsku 2024. godinu u nadležnosti Federacije BiH. Ukupan broj pristiglih izvještaja koja su bila predmet javnih saslušanja iznosio je 17 (sedamnaest), i to:

- **10 (deset) izvještaja korisnika budžeta Federacije BiH i Izvještaj o finansijskoj reviziji Izvještaja o izvršenju budžeta Federacije BiH za 2024. godinu:**
 1. Izvještaj o finansijskoj reviziji Federalnog ministarstva kulture i sporta,
 2. Izvještaj o finansijskoj reviziji predsjednika i dva potpredsjednika Federacije BiH,
 3. Izvještaj o finansijskoj reviziji Federalnog ministarstva poljoprivrede, vodoprivrede i šumarstva,
 4. Izvještaj o finansijskoj reviziji Federalnog ministarstva pravde,
 5. Izvještaj o finansijskoj reviziji Federalnog ministarstva zdravstva,
 6. Izvještaj o finansijskoj reviziji Federalnog ministarstva obrazovanja,
 7. Izvještaj o finansijskoj reviziji Federalnog ministarstva okoliša i turizma,
 8. Izvještaj o finansijskoj reviziji Federalnog ministarstva energije, rudarstva i industrije,
 9. Izvještaj o finansijskoj reviziji Federalnog ministarstva prostornog uređenja,
 10. Izvještaj o finansijskoj reviziji Federalnog ministarstva finansija,
 11. Izvještaj o finansijskoj reviziji Izvještaja o izvršenju budžeta Federacije BiH za 2024. godinu.

- **2 (dva) izvještaja zavoda, fondova, agencija i javnih ustanova:**
 1. Izvještaj o finansijskoj reviziji Federalnog zavoda za zapošljavanje,
 2. Izvještaj o finansijskoj reviziji Zavoda zdravstvenog osiguranja i reosiguranja Federacije BiH.

- **4 (četiri) izvještaja javnih preduzeća u kojima Federacija BiH ima vlasnički udjel od najmanje 50% plus jednu dionicu ili više:**
 1. Izvještaj o finansijskoj reviziji JP Elektroprivreda HZ HB d.d. Mostar,
 2. Izvještaj o finansijskoj reviziji JP Elektroprivreda BiH d.d. Sarajevo,
 3. Izvještaj o finansijskoj reviziji JP Autoceste Federacije BiH d.o.o. Mostar,
 4. Izvještaj o finansijskoj reviziji Radiotelevizije Federacije Bosne i Hercegovine.

Komisija posebno ukazuje na činjenicu da je izvještaj Radiotelevizije Federacije Bosne i Hercegovine u predmetnoj revizijskoj godini dobio oba negativna revizorska mišljenja – i mišljenje o finansijskim izvještajima i mišljenje o usklađenosti s propisima, dok je izvještaj JP Autoceste Federacije BiH d.o.o. Mostar imao negativno mišljenje o usklađenosti s propisima. Tokom provođenja procedure izrade konačnog izvještaja, Komisija je ostvarila saradnju sa zaposlenicima Ureda za reviziju, koji su prisustvovali sjednicama Komisije prema sastavu timova revizora zaduženih za određene izvještaje. Komisija je u svrhu izrade ovog izvještaja održala 3 (tri) sjednice posvećene javnim saslušanjima/izjašnjenjima revidiranih institucija i 2 (dvije) sjednice na kojoj su razmatrani i usvojeni zaključci s preporukama i obavezama

revidiranih subjekata za naredni period, a koji su sastavni dio Izvještaja. Nakon provedenih aktivnosti javnih saslušanja/izjašnjenja, Komisija je na 28. sjednici prihvatila izvještaje finansijske revizije za revidirane institucije te s ciljem eliminisanja uočenih nepravilnosti i unapređenja rada korisnika budžeta Federacije BiH, Komisija predlaže Parlamentu Federacije Bosne i Hercegovine da usvoji sljedeće:

ZAKLJUČKE

1. Usvaja se 10 (deset) izvještaja o obavljenoj finansijskoj reviziji korisnika budžeta Federacije BiH za 2024. godinu (obavezne revizije shodno članu 13. stav 5) Zakona).
2. Usvaja se Izvještaj o izvršenju budžeta Federacije BiH za 2024. godinu (obavezne revizije shodno članu 13. stav 5) Zakona).
3. Usvajaju se 2 (dva) izvještaja zavoda, fondova, agencija i javnih ustanova u nadležnosti Federacije BiH za 2024. godinu.
4. Usvajaju se 4 (četiri) izvještaja o reviziji preduzeća u većinskom vlasništvu Federacije BiH za 2024. godinu.
5. Parlamentarna komisija izražava punu podršku Uredu za reviziju institucija u Federaciji BiH u razvoju metodologije i obavljanju revizije usklađenosti, u skladu sa INTOSAI okvirom profesionalnih objava.
6. Komisija prepoznaje da razvoj i primjena metodologije za reviziju usklađenosti predstavlja značajan korak u daljnjem jačanju nezavisnosti, profesionalnosti i relevantnosti Ureda za reviziju.
7. Implementacija revizije usklađenosti doprinijet će unapređenju principa dobrog upravljanja, usklađenosti poslovanja sa zakonima i drugim propisima te većoj odgovornosti u javnom sektoru, čime se jača povjerenje građana u institucije i radi u javnom interesu.
8. Komisija posebno naglašava važnost kontinuiranog razvoja kapaciteta Ureda za reviziju i primjene međunarodnih standarda i dobrih praksi, kako bi Ured nastavio pružati vrijednost i koristiti društvu u skladu sa INTOSAI-jevim principima, kroz jačanje transparentnosti, odgovornosti i djelotvornog upravljanja javnim resursima.
9. U vezi sa rješavanjem problema kadrovske potkapacitiranosti u određenim ministarstvima, o čemu je Komisija upoznata na javnim saslušanjima, zadužuju se resorna ministarstva koja su na javnim saslušanjima iznijela probleme kadrovske potkapacitiranosti, da u koordinaciji sa Vladom Federacije BiH pristupe rješavanju navedenog problema.
10. Zadužuju se revidirani subjekti da prilikom dostavljanja svojih odgovora/izvještaja Parlamentarnoj komisiji odgovornoj za reviziju o provođenju datih preporuka u izvještaju Ureda za reviziju, svoje odgovore/izvještaje dostavljaju u skladu sa usvojenim

obrascem sa 18. sjednice Komisije održane 25. 6. 2025. godine, a koji se može naći na internet-stranici Parlamenta Federacije BiH.

11. Parlamentarna komisija obavezuje Vladu Federacije BiH (za Izvještaj o izvršenju budžeta FBiH za 2024. godinu), njena ministarstva i ostale revidirane budžetske korisnike FBiH (za pojedinačne izvještaje), da do 31. 3. 2026. godine dostave Komisiji i Vladi FBiH izvještaj o preduzetim aktivnostima na implementaciji preporuka datih u izvještajima za 2024. godinu, zaključno sa 28. 2. 2026. godine.

11.1. Zadužuju se revidirani budžetski korisnici FBiH da u roku od 60 dana dostave Komisiji i Vladi FBiH plan provođenja preostalih preporuka sa definisanim rokovima i odgovornim licima.

11.2. Traži se od Vlade FBiH da u roku ne dužem od 60 dana razmotri sva sistemska pitanja proistekla iz dostavljenih izvještaja u tačkama 11. i 11.1. te predloži sistemska rješenja za provođenje preporuka i o tome izvijesti Parlament Federacije BiH.

12. Parlamentarna komisija obavezuje sva revidirana preduzeća da do 31. 3. 2025. godine dostave Komisiji i Vladi FBiH izvještaj o preduzetim aktivnostima na implementaciji preporuka datih u izvještajima za 2024. godinu, zaključno sa 28. 2. 2026. godine.

12.1. Zadužuju se revidirana preduzeća da u roku od 60 dana dostave Komisiji i Vladi FBiH plan provođenja preostalih preporuka sa jasno definisanim rokovima i odgovornim licima.

12.2. Traži se od Vlade FBiH da u roku ne dužem od 60 dana razmotri sva sistemska pitanja proistekla iz dostavljenih izvještaja u tačkama 12. i 12.1. i pripremi prijedlog mjera te o tome izvijesti Parlament FBiH.

13. Zadužuje se Parlamentarna komisija odgovorna za reviziju da, prema odgovarajućoj procjeni, u saradnji sa Uredom za reviziju i nadležnim predstavnicima Vlade FBiH, poziva revidirane subjekte na zasebne sastanke i o tome izvještava Parlament Federacije BiH, u svrhu jačanja nadzora nad realizacijom zaključaka i osiguranja kontinuiteta izvještavanja Parlamenta Federacije BiH o poslovanju revidiranih subjekata i provođenju ovih zaključaka.

Zamjenik predsjednika Parlamentarne komisije odgovorne za reviziju

Damir Dzeba, v.r.

Predsjednik Parlamentarne komisije odgovorne za reviziju

Elvir Karabajić, s.r.

Dostaviti:

- naslovu
- zamjenicima predsjedavajućeg oba doma Parlamenta FBiH
- sekretarima oba doma Parlamenta FBiH
- revidiranim subjektima
- Ø Uredu za reviziju institucija u FBiH
- a/a.